

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10) i člana 11. stav (2) Zakona o koncesijama Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 5/03), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 78. sjednici, održanoj dana 12.10.2020. godine, d o n o s i

ODLUKU

o dodjeli koncesije za eksploataciju mineralne vode u količini od 0,20 l/s sa izvorišta „DOLAC“, na parceli označenoj kao k.č. 1838 u K.O. Raduša, općina Tešanj

Član 1.

(Predmet)

Privrednom društvu „TEŠANJSKI KISELJAK“ d.o.o. Tešanj (u daljem tekstu: Koncesionar) dodjeljuje se koncesija za eksploataciju mineralne vode u količini od 0,20 l/s sa izvorišta „DOLAC“, na parceli označenoj kao k.č. 1838 u K.O. Raduša, općina Tešanj.

Član 2.

(Studija o ekonomskoj opravdanosti)

Daje se saglasnost na „Studiju ekonomske opravdanosti zahvatanja mineralne vode iz postojećih objekata (Općina TEŠANJ)“, urađenu od strane „TEŠANJSKI KISELJAK“ d.o.o. Tešanj, iz septembra 2020. godine.

Član 3.

(Vrijeme trajanja koncesije)

Koncesija za eksploataciju mineralne vode iz člana 1. ove odluke dodjeljuje se na 30 (slovima: trideset) godina, računajući od početka korištenja izvorišta, a najkasnije u roku od 3 (slovima: tri) godine od donošenja ove odluke.

Član 4.

(Plaćanje tekuće koncesione naknade)

(1) Koncesionar je dužan da plaća naknadu za korištenje koncesije po ovoj Odluci u visini, na način i po postupku i rokovima koji će se utvrditi Ugovorom o koncesiji.

(2) Za vrijeme trajanja koncesije Koncesionar je obavezan da plaća tekuću koncesionu naknadu u visini od 1,5 % od ukupnog godišnjeg prihoda ostvarenog korištenjem predmetne koncesije, koja ne može biti manja od apsolutnog iznosa godišnje koncesione naknade koji iznosi 15.000,00 KM (slovima: petnaesthiljada konvertibilnih maraka).

Član 5.

(Plaćanje jednokratne koncesione naknade)

Koncesionar je dužan uplatiti jednokratnu koncesionu naknadu u iznosu od 15.000,00 KM (slovima: petnaesthiljada konvertibilnih maraka), prije potpisivanja Ugovora o koncesiji.

Član 6.

(Raspodjela koncesione naknade)

Naknade iz članova 4. i 5. ove odluke predstavljaju prihod Zeničko-dobojskog kantona i općine Tešanj u omjeru koji je određen Odlukom Vlade Zeničko-dobojskog kantona o načinu raspodjele i korištenju finansijskih sredstava prikupljenih po osnovu kontinuirane i jednokratne naknade od koncesija ("Službene novine Zeničko-dobojskog kantona", broj: 1/13).

Član 7.

(Posebna vodna naknada)

Plaćanje naknade za korištenje koncesije ne isključuje obavezu Koncesionara da plaća posebnu vodnu naknadu za korištenje voda u skladu sa Zakonom o vodama ("Službene novine FBiH", broj: 70/06), odnosno u skladu sa vodnom dozvolom.

Član 8.

(Zaključivanje ugovora o koncesiji)

(1) Zadužuje se Ministarstvo za poljoprivredu, šumarstvo i vodoprivredu da u svojstvu Koncesora, na osnovu ove Odluke i odredaba Zakona o koncesijama, zaključi Ugovor o koncesiji sa Koncesionarom, kojim će se urediti međusobni odnosi, prava, obaveze i odgovornosti, uz prethodno pribavljeno mišljenje Kantonalnog pravobranilaštva.

(2) Koncesionar je dužan prije potpisivanja Ugovora o koncesiji, a najkasnije u roku od tri godine od donošenja ove Odluke, obezbijediti vodnu dozvolu za zahvatanje vode.

Član 9.

(Stupanje na snagu odluke o dodjeli koncesije)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Mirza Ganić

Broj: 02-21-16628/20

Datum, 12.10.2020. godine

Z e n i c a

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x „TEŠANJSKI KISELJAK“ d.o.o. Tešanj, putem Ministarstva,

1x Općina Tešanj, putem Ministarstva,

1x „Službene novine Zeničko-dobojskog kantona“,

1x a/a.